

四庫全書

集部

欽定四庫全書

升菴集卷二十七

明 楊慎 撰

七言律詩

寄毛用成給事

名玉

別後追酌送別詩石頭城裏是相思
屢聞高議歸青瑣
曾頌新聲滿玉墀
坐隱曾留玉質斧
好奇能寄李邕碑
崇霞臺上頻南望
冀北花開鴈去遲

臘八日

御溝迴合咽水泉宮樹霏微變冷烟
丑應商春才八日
成從漢臘已千年彩毫想繼銀鬕
向玉燭仍稽寶典篇
隔戶車聲流水過却疑幽鼓奏村田

張云健而不瘦壯而不怒有老杜有

唐初

玉堂對菊閣試

碧梧消息委銀床黃菊芳菲對玉堂
禁苑栽培元得地
仙家草木不知霜甘泉宮裡龍銜燭
太液池邊鵲借棠
東閣吟成花掖暮南端歸去彩毫香

銅罐驛

金剛灘頭寒雨歇
銅罐驛前朝望通
天轉山形回合異
春添江色淺深同
巴農麥隴層雲上
楚客楓林返照中
水底鯉魚長尺半
寄書好到錦亭東

萬縣元日

官燭光中飲頌花
村鷄聲裏換年華
寥寥人語水鄉市
統統鼓音山縣衙
江上春風先入棹
客邊元日倍思家
去程回望各千里
翠壁青林寒雨斜

丙子慶成宴

兩世弟兄同此宴
國恩家慶總非常
春風疊鼓朝天去
曉日鳴珂滿路光
周雅令儀歌愷悌
漢臣諷諫托文章
虛沾需飲過三爵
高仰星文詠七襄

望華山

白帝真源紫界封
金天削出翠芙蓉
高擎零露仙人掌
俯瞰明星玉女峯
陽壑春留千歲草
陰岩雪蔭四時松
頻年來往塵埃裏
敢向山靈問逸蹤

春齋有懷寺中同館諸君

瀛洲烟霧玉堤陰
華蓋星辰接翰林
風動水淅環御水
月明暗雪帶仙岑
上陽樹色知春近
長樂鍾聲覺夜深
為問贊公房裏客
曇花貝葉對誰吟

張愈先云詞格兩高步驟自然覽之

快心

送童士琦瑞州府判賦得蜀江

蜀江瑞州水名偶與蜀同

瑞州城下蜀江流
風物依然似故丘
祇道靈源十里合
不知仙跡幾年留
分符遠汎星槎去
負弩真如畫錦遊

別後懷人更懷土
煩君時一到滄洲

題畫竹

江南誰解寫琅玕
後有仲昭前孟端
自從文藻流傳久
轉覺丹青賞鑿難
生綃一幅瀟湘出
高堂六月水霜寒
玉林深處人如玉
欲往從之無羽翰

春郊即事

將軍獵射下南山
陵麥青青雉子斑
自有良工誇左獲
不勞詞客賦重環
千夫赤羽風前疾
百步垂楊醉後攀

薄莫古堤微雨歇拳騎仍踏落花還

贈王美中

名瑋

青廳御史下丹霄
獬豸新裁瑞錦袍
階下天風吹玉樹
海邊春酒薦冰桃
西山日近恩光永
南極星連執法高
應問蜀城回楫地
長江秋水靜雲濤

次張惟信留別韻

名潮

朱絃之瑟清商音為君一奏懷鄉吟
雲烟西阻我眉望
日夜東流江水心
騷客芳馨蘭九畹
仙人披垣梧十尋

酒闌曲終車轍遠秋色不如離思深

送杜汝弼之官景陵時有水患

景陵南去楚江深雲夢西連夏澤陰
息壤萬家經歲潦洪波千頃寄秋霖
青楓曉失啼猿樹斑竹昏移宿鳥林
粒食更須愁衆口薄曹何以荅羣心

溫民懷宮諭許於浣別墅相招恐失佳約作此

戲簡

春來無伴訪烟霞忽憶仙人在浣花
棋局幾時隨澗竹

釣船何處倚江沙興憐隱浪金壺反醉想臨風玉樹斜
舊日草堂君地主還須折簡到山家

雨中劉潤之僉憲見訪

名成德

鳴雨虛堂六月秋高軒空谷遠相求佳期每憶同星聚
良會須為秉燭遊風磴雲端回白日水花烟葉亂滄洲
莫辭信宿陪孤賞更與江天散獨愁

見梅花

一辭青瑣滄江臥山城三見梅花破正愛家家臨水開

還愁樹樹和烟墮清樽欲醉不成歡雪調空歌誰與和
小院迴廊日又斜高樓短笛風前過

碧筒杯次余懋昭韻

月戶星楹敞夜燈荷筒桑落共淹仍傾來細瀉珠盤顆
摘去愁空翠蓋層消渴涼生金掌露迎風寒瑩玉壺水
三更促席歸何晚百罰深盃謝不能

送唐守之使朝鮮

名臯

玉馬朝周封壤舊青雲干呂瑞圖來鳳皇樓上星辰動

鴨綠江邊霧雨開
王會千年輝簡竹
皇恩萬里賁蒿萊
張騫謾作尋源使
陸賈虛當絕國才

送彭幸菴尚書致仕

二首

名澤

司馬英名起弁髦
元龍湖海信人豪
洪源紫塞黃河遠
爽氣金天華嶽高
裴度歸來惟縱酒
廉頗老去自遺橐
林居紫焰光騰夜
含景蒼精有賜刀

又
明 公家食時書座右云出必如孔明處必如淵

憶昔西征歌木薇
雪山萬里駐驂騑
總戎全蜀風雲陣

紀績成周日月旂諸葛蔓菁遺壁壘陶潛松菊舊柴扉
前賢出處真相似雅志如公兩不違

懷歸

星橋南望沉犀渚雪嶺西連抱珥河關塞渺茫寃夢隔
山川迢遞別離多汀洲春雨塞芳杜茅屋秋風帶女蘿
心事未從詹尹卜生涯聊聽熨童歌

憶沐九華兄弟

難忘易識是君家為愛君家好棣華玄圃春遊花繫馬

白門宵醉柳藏鴉，停雲遠樹交嵐翠。
落月空梁，印海沙。關塞各天勞，
敏夢萍蓬何處定。騫槎。

讀江門驛景川侯曹公開河碑

曹名震

將軍玉劍虜塵清，餘力猶能水土平。
象馬邊隅通貢道，蛟龍窟宅奠夷庚。
史家底事遺經略，郡吏何曾紀姓名。
賴有琳琅播金薤，可無蘋藻薦芳馨。

百福寺夜宿

千仞峯頭佛日晴，雲端忽見兩僧迎。
篝燈宴坐曇華結。

汲水煎茶雪浪生翠竹黃花同入偈蛟龍丘蚓雜題名
石房夜冷難成寐惱殺荒鷄不肯鳴

留別劉珥江

名大昌

東波南浦送輕航
怊悵芳春發故鄉
泛宅浮家沙鳥外
銷魂迴首石犀傍
垂垂楊柳人千里
漠漠蘆葭水一方
更喜欲來相慰藉
挈音何日到江陽

弔孟拾遺

駱谷鸞輿再播移
橫流滄海廣明時
刑餘周召田中令

地下逢干孟拾遺赤水探珠迷象罔青霄蝕月任墓頤
懷沙沉石何曾問帳殿毬宮總不知

中巖留別余方池草池兄弟

又別中巖二十春禪枝忍草幾昏晨三生水月淹留地
萬里江山感慨身楚澤羈縲吟北渚謝家兄弟餞南津
酣杯且喜朱顏在覽鏡休驚白髮新

過南溪懷二劉參之承之兄弟

京國交遊四十春劉家兄弟最情親風流雲散三生夢

水逝山藏一聚塵沙步維舟催解纜隣村聞笛倍沾巾
可憐烟草江干樹愁見當年送別津

寄李芝山初岡二李國相

玄韻仙飈舞拒松新詩清水出芙蓉丹梯不唾青城地
彩筆曾干紫閣峯濯錦江波舟汎汎散花樓閣樹重重

舊遊回首金沙寺幾度衣冠起暮鐘

舞又作灑宋玉風舞于松柏之下舞字

似切淮南子猶條風之時灑則灑字亦
可用不知孰為勝 拒松見山海經

孟秋北岩招提即事

秋江芙蓉開且鮮紅粧碧水闌明燭可憐丈室散花地
便是三管空侯天慈雲演梵香幕阜涼雨催詩珠跳舩
醉鄉不見二豪至蘇門竟成孤嘯還

甲寅新正六日送簡西巒登舟

金蘭意氣昔論文燕坐朝霜竟夕曛千里驅馳來楚道
十年羈旅共滇雲交遊落落晨星散蹤跡悠悠水國分
江北江南從此隔何時何地再逢君

贈趙大洲太史

貞吉

起鳳才華錦水頭
鳴鑿仙步上瀛洲
文傳莊叔棖雲集
賦奏金卿花萼樓
何國白環曾入貢
至今青海未全收
廟堂終用平戎策
未許栖遲老一丘

懷劉東阜謝狷齋

百福寺壁見二公詩

謝劉生死論交地
巴蜀山川迢遞程
萬古雲霄森意氣
五兵詞賦莽縱橫
虞江精舍浮雲隔
汴水孤墳宿草生
濯錦浣花遊眺地
悲泉斜日下層城

三月二十八日與諸弟出野觀社筭輿穿窄徑

日中乃得平路小憩大梵寺

滴堦零雨坐深更
天為遊人放晚晴
松蓋擎雲村徑暗
秧針刺水野田明
菁蔥俏猜憐春晚
詰屈崎嶇覺路生
正惱懶蟬勾午睡
蒲牢喜聽遠鐘鳴

四月十一日喜雨東妹丈劉珥江周五津

五津能詩

善畫

舟膠水淺似坳堂
忽爾宵殘雨送涼
原色未須歌滌滌
灘聲最喜聽浪浪
望中笑電生矯矢
夢裡雷車借阿香

便注仙瓢傾馬背盡回焦土作金穰

又

南浦新聲喜雨篇不須艷曲唱嬋娟
惠連池草偕靈運
杜甫簷花對鄭虔已見清風生羽扇
更聞流水入琴絃
密雲龍茗勞珍貺好試東城解玉泉

姚鳳岡荔枝

栢府薰風荔子丹雕盤持贈下臺端
絳紗囊裡冰肌滑
火齊枝頭水玉寒羅帕分珍慙逐客
驛塵飛鞚憶長安

瓊瑤欲報才應盡獨立蒼茫倚曲闌

綠竹亭為李前渠賦 二首

高人愛竹真成癖萬竹亭前竹萬竿風伯倚聲添颯爽
月娥分影映檀欒掃天綠粉晴猶溼拂地清霜暑亦寒
莫遣兒童摧錦籜成巢結實待栖鸞

其二

綠竹亭前竹萬枝興來刻竹醉題詩裁成龍笛青瑤管
斫就魚竿綠玉池嘯詠宵分聞鼓吹平安日報偃旌旗

風流何羨揚州鶴紫脫蒼筤別有奇

次姚鳳岡

名梧

玉蟾寺韻約曾少岷

名璵

章后

齊

名懋

同遊

玉蟾寺在翠微間蒼筤林中萬竹斑人境由來非物外
吾鄉元不是他山何須老衲雙飛錫願共詩人一扣關
颯颯金風乘興去團團寶月伴君還

升菴集卷二十七

欽定四庫全書

升菴集卷二十八

明 楊慎 撰

七言律詩

僧寺古梅

古幹盤龍鶴膝丫眠江似泛斗牛槎風酸寒凜香仍馥
雪虐霜凌蓋自花冷面不為靈瑣艷鐵心寧受廣平誇
維摩一室空千偈坐對雙林寶月斜

曾少岷惠忠州新琢雲根筆

忠州井邑聚雲根筠管千年駁蘇痕好伴輪困接卿霽
不同澁勒暗蠻村高標自表嚴顏節文藻堪招陸贄
西蜀鍾竒難韞積南豐新詠重瑤琨

登丹稜縣白塔寺與呂竿川同賦

窳堵峒崿出半空蔚藍天界接剛風魚鳧疆域遙瞻外
龍鵠山川近覽中乍似潛虬穿坎窞俄驚飛鳥出樊籠
登高勝侶歸來晚樓閣烟花紫翠重

嘉州劉介川進士母壽詩

阿母瑤池翠水渟生兒共道得寧馨
金仙元住岷峨國
寶婺遙連奎壁星
蓋榜已看秋桂綠
蘭臺行校夜藜青
三江化作長春酒
戲綵恒斟愛日亭

老馬行

老馬為駒下皂棧
昔日友龍今伴鴈
棄置徒傷田子龜
剪拂曾遇孫陽盼
長鳴蕭蕭失風雲
知道悠悠忘泉澗
金式如堪鑄
伏波彩毫還擬圖
韓幹

病中秋懷 八首

八月江陽暑未休
赫曦朱侵迴添愁
西岷秋老金猶伏
南詔星回火不流
霜信幾時來
遰鴈雨聲終日望
鳴鳩似憐宋玉荷
凋怨故遣班姬團扇留

又

尹氏遺蹤百尺臺
招呼不見子歸來
可憐文武為邦憲
却泥嬋娟養禍胎
鳴牝掇蜂終古恨
衣苔帶藻至今哀
悠悠往事嗟何及
浩浩東波去不回

又

南定樓前碧草春
荔枝林下少埃塵
三澗名號訛千古
二水沱岷會兩津
青箬海商舫集
紅粧營妓管絃新
多情莫悔登臨數
良夜何妨秉燭頻

又

九絲城寨控諸蠻
舊是鴉飛不到山
深菁篔簹何太毒
橫江烽燧不曾閒
蘿柵列哨誰傳箭
高珙孤城只閉關
安得班超投筆起
戎州暫得破愁顏

又

江郭西偏寂不喧卜居草草結樞軒
蓋珠樓接芸香閣紫洞天環辟
荔垣書載洛中三十乘經傳柱下
五千言寬閒謝客緣貧病懶散從
吾養性源

又

迢遰城西百尺樓登茲銷暑亦銷憂
江山平遠難為畫雲物高寒易得秋
吉甫清風來玉塵涪翁妙墨換銀鈎
餘甘渡口斜陽外靄迺漁歌雜棹謳

又

湘纍憔悴滯江潭
禪伯逍遙老梵龕
松下圍棋閑屨二
花前度曲引杯三
不愁痼疾嬰雙豎
為喜良醫得二柶

任彭二豎

皆名柶

采藥名山吾願畢
白頭久矣謝朝簪

尾句又作更借

新涼供穩睡西

風昨夜鴈聲南

又

炎荒避地廿年過
杞國憂天奈爾何
雜種犬羊紛北虜
妖氛牛斗更南倭
浮雲江漢愁心結
新月關山涕淚多
身佩安危有諸老
舌捫狐孽且長歌

毛伯玉點易洞

淨林蕭寺北山隅
曾是精廬隱昔儒
書帶草生移鉅野
篆文江繞接巴渝
吟詩雲合峯頭碧
點易霞留洞口朱
何日放舟偕麗澤
紅泉石磴足斟斟

次韻章后齋為余壽

香界諸天寶鏡開
玻璃江色入瓶罌
方舟南浦成佳會
飛蓋西園遊上才
明月臨時仙客醉
碧雲合處美人來
已甘投老三三徑
仰荷承平兩兩台

携酒探梅

滇海南雲老歲華卅年不見故園花
吟邊索笑驚春晚
夢裡尋香覺路賒
凍夜明蟾清影瘦
搏風么鳳綠毛斜
興來是處堪携酒
徑造何須問主家

喜任蒼岩至招之飲

枏

還家不落新春後
征棹先逢舊雨前
繡被喚回巫峽夢
錦囊賸有蜀江篇
垂垂梅蓋猶凝雪
濯濯楊枝欲吐烟
好是玉盤傳菜日
共酣金醴媚椒天

寄李心山侍御

扁舟暮倚荻花叢，燈影皤然照一翁。
明月此時千里隔，清吟昨夜一樽同。
人生南北真歧路，客計飄飄是轉蓬。
隴驛寄梅曾到否，年光又逐斗杓東。

釣魚城王張二忠臣詞

釣魚城下江水清，荒烟古壘氣猶生。
睢陽百戰有健將，墨翟九守無降兵。
犀舟曾揮白羽扇，雄劍幾斷曼胡纓。
西湖日夜尚歌舞，只待崖山航海行。

聽歌

彩雲天外駐行盃
明月樓前引上才
紅頰綻時銀燭爛

翠眉低處玉山頽
飄飄俠客遊燕市
窈窕仙娥下楚臺

千載王郎風韻在
倩君重唱夕陽開

王右丞溫泉寓目
詩唐人入樂府名

相府蓮訛為想夫憐白樂天云
秦川一半夕陽開此句尤妙

送道士何端陽往武當

筓嶺之峯丹翠含
金膏水碧孕重岩
磨蟻遊人陟風磴
驂鸞仙侶坐冰嵌
三霄寶月懸青栴
千歲玄霜下紫杉

此去暫離應萬里鶴書何日寄遙緘

浮橋

千尺長虹臥錦波懸幢度索笑牂牁玉環金鎖隨開闔
木客鮫人雜嘯歌漫道鼉鼉梁碧海虛傳烏鵲架銀河
堪憐來往驚鴻影步步塵香襯襪羅

送何栢村元戎

名卿

牛斗妖氛指日平暫勞鵲印掛東征捷書行奏長揚殿
軍令先傳細柳營冀北貔貅曾控御山西將帥半牙兵

功成歸隱青城曲社酒寒燈好結盟

木涇周公哀集鄙詩刻之作此以謝

漫興詩成散逸多玉人彩筆為編摩四愁平子饒情興
五噫梁鴻發嘯歌羽獵長楊違侍從碧鷄金馬飽經過
彫蟲小技嗟吾老谷鳥嚶鳴奈若何

月梧大司寇喻公壽詩

茂堅

丁卯同年七十人回頭五十正嘉春沉沉海屋添籌筭
耿耿長庚映昊旻已見錦堂稱壽俊况兼青史傳名臣

千峯不隔南飛鶴一盞遙飛賀誕辰

詠風扇寄珥江

飈輪木羽引涼多金伏朱炎奈爾何姑射水姿堪作對
山陰雪興可能過婆婆影裏懷瓊樹蹠躩聲中想玉珂
便擬千觴河朔飲仍聽一曲洞仙歌

送韓吳菴應廕北上

述甫

采蘭贈弟第如金珍重金蘭只此心屈子秉芳留佩鞶
左思招隱間重襟驪駒北上瞻高步虎節西歸聽好音

奕世聞詩齊魯並豈惟韜畧似淮陰

夏松泉太宰壽詩

赤鳥歸來鬢未星紫垣光燄照涪陵山中宰相無塵事
河上仙翁有道經春色又驚梅藥白薰風幾換荔枝青
停雲問月多篇詠何日滄浪一共聽

觀平吳錄

庚申胡運卜終焉斗野驚看伏鼉懸九四由來真海孽
萬三未必是天錢可憐槎史嬰龍日又見胥臺走鹿年

管樂誰將饒介許孟兼遺恨醉樵篇

詠霧凇有序

甲寅歲秋冬久雨連月十一月廿六日甲子曉籠
霧微凇盖晴兆也俗諺云霜凇行霧凇負兒備飯
瓮往歲在北方寒夜冰華著樹若絮日出淨無風霧凇
階尤為可愛魯南豐詩云園林日出淨無風霧凇
花開樹樹同記得集英深殿裏舞人齊挿玉瓏鬆
又曰香鋪一榻甃逾暖月映千門霧凇寒韻書謂
之凍浴浴音索
水著樹如索也

怪得天鷄誤曉光青腰玉女試銀粧瓊敷綴葉齊如剪
瑞樹開花冷不香月白詎迷三里霧雲黃先兆萬家箱

貧兒飯瓮歌聲好六出何須賀謝莊

招張愈光

癸亥歲時十六附此

容易年光斗柄東
蕭條客舍酒樽空
雪消已減乘舟興
寒重翻添閉戶功
古道塵埃多去馬
故人書信少來鴻
新豐逆旅知無伴
何惜西齋一笑同

夜宿玉池

投轄多情信宿留
長河未曙夜悠悠
池停蛙鼓雨初霽
窻靜蚊雷風乍秋
尋壑經丘殊窈窕
談玄舉白更風流

名園已到終嫌晚
還擬山陰雪夜舟

百梅亭

綠萼紅跗映碧瀧
山香水調換新腔
翰林風月三千首
樂府鴛鴦七十雙
陳閣臨春森玉樹
漢宮不夜爛金缸
梨雲梨雪都成夢
桃葉桃根枉渡江

次韻陳玉泉見過

鳳

新詩清水出芙蓉
南國才人陸士龍
老去衡門饒寂閒
病來塵榻愧過從
湯湯流水琴中思
種種繁霜鏡裏容

良會蹉跎時迅速朱矢忽已變條融

贈郭雲屏閫帥

郭承天人

將軍出鎮向西川萬里從龍下日邊雪嶺雲開瞻突兀
錦江風定泛漪漣世家舊說金臺事樂府新傳寶劍篇
旌節花明營柳細徵還扈蹕侍甘泉

書扇贈薛曲泉二守

治

大賢為政即多聞杜老曾云我亦云千里清風傳穆頌
兩江流水漾漪文停雲遠樹傷遲暮對月高樓悵夜分

葵扇揮毫酬雅意棠陰回首惜離羣

夏五亢旱彌旬曲泉薛公精裡露禱霖雨應辰

農望既欣道暘亦起詩以志喜

漫擬休埏戲廣川土龍泥鶴盡成捐風雲忽送三更雨
庭院如鳴百道泉雲漢于今無旱魃甫田自古有豐年
吾廬坐愛涼如洗好續蘭臺賦颯然

詠周生贈扇上刻詩韻

周名宗克

紈素裁成寶月光卷舒懷袖動宮商老來却厭丹青手

興到還登翰墨場坡老高吟三十韻右軍細扎百千行

光風解后人雙玉明日兼葭水一方

周生自長壽來省
余韓吳菴同會周

與韓皆余中
表懿親也

五月樓居雨涼欣賦

快雨崇朝溽暑徂頓令注夏病全蘇恍疑方丈清虛島
似對瀟湘水墨圖曲沼青鼉喧鼓吹高齋白鳥淨軒厨
冷然風御何須羨嗒爾涼襟且據梧

贈薛生季德

名暈府二守曲泉之子

棠花庭下見斑衣年少清才世所稀
三鳳舊聞鳴峯峯
李駟今復景駢駢
郝林丹桂開華省
唐苑緗桃近瑣闥
琢玉慙予非哲匠
泥金遲爾到漁磯

次韻章后齋


漫嘲阿昶誤金根
聊效王家點黥痕
老嫗重尋蔽山寺
道士頻過雲礪村
黃庭鴟鴞籠歸翼
赤管猩猩返醉魂
洛浦煩君鬪舊賦
驚鴻寧畏毳如琨

紫房之會又明日
后齋約為洛浦之

遊
雲礪村山陰道士所居見文房四
譜
蔽山寺王右軍為老嫗書扇處也

喜雨

高閣憑闌暑氣沉
寒山銀竹映森森
雲從太華仙人掌
風入蘭臺宋玉襟
霖雨不闕胥靡夢
荷鋤聊慰老農心
木桃投贈須君和
醴醕浮香喜自斟



升菴集卷二十八

欽定四庫全書

集部

升菴集卷

二十九至
三十二

詳校官編修臣錢棧

中書臣劉源溥覆勘

總校官原任中允臣王燕緒

校對官學正臣李巖

謄錄監生臣蔣繼勳

欽定四庫全書

升菴集卷二十九

明 楊慎 撰

七言律詩

孟冬苦寒滇南之行留別江陽親友 二首

昆池滇嶠廿年遊，白首重來未得休。
靖節詩篇形贈影，莊周呼應馬兼牛。
江花品藻春紅隔，城闕凝光暮紫浮。
賞菊探梅還憶我，相思莫吝置書郵。

又

登艦一望一魂銷
賴有清樽慰寂寥
寵餞江陽殊藹藹
壯遊滇路漫迢迢
梅心柳眼皆春意
楚舞夷歌亦舜韶
猶有多情如杜牧
畫橋明月教吹簫

舟中留別吳菴蒼崖

夢醒渾疑未別離
止舟却喜似歸時
情親千里勞相送
衰病三秋指遠期
閣左又興秦戍役
殿前曾識漢官儀
琵琶商婦君休聽
恐動天涯貝錦辭

天池夜宿對榻吳菴

永寧三百六十灘順流劈箭上流難來賓霜鴈歲方晏
喚客荒鷄星未殘羸軀肯容老巴國濯髮真如到滄盤
明日魚鳧關外路綠纓清淚對君彈

次郭雲屏登西樓韻二首

說劍論兵邁品流明時論賞早封留種衡許國三十牘
德裕籌邊第一樓城郭笙歌渾不夜溪山草木未知秋
輕裘已叶前賢事社革先寬旅客憂

又

清香畫戟感時流
遷客經過此淹留
零雨多情孫楚
埃月明同夢庾公樓
新梅艷艷爭迎臘
殘菊垂垂尚駐秋
地主多君似嚴武
登臨暇日亦銷憂

送永寧范商野二桑扶涯際涯北上

永寧山水接江陽
毓秀鍾靈歲月長
五色絲毫爭炫爛
三株瓊樹共芬芳
卿雲影裏芝泥紫
瑞日光中蓋榜黃
老我扶衰淹病榻
喜君惜別到文房

贈嵩明太守羅果齋

肯為衰翁百里來
蕭條寒館是春臺
世家文藻匡時畧
環海謳歌作郡才
芳草已隨江柳發
棠花遙映野梅開
從今詩苑添嘉話
清夢高峴夜夜回

席上漫興重贈羅果齋

君侯載酒過春城
畫戟清香絳燭明
珎重青雲新意象
留連白雪舊歌聲
坐如泥塑還和氣
醉若山頽未盡情
知己相逢難遽別
席間漫興又詩成

劉虛湖封白石載酒過高峴

荒林遠在兩高人仙棹搖搖積水濱懷舊重過題竹處
尋芳正及賞梅晨登樓醉水渾無夜著屐尋山賸有春
鬢舞滇歌元慣見渝兒巴妁愧橫陳

十二月二日張龍山謝高泉教梅坡余九崖杜

晴江梁一江潘東溪携酒過訪高峽

寂寂荒村生冷煙敢期車從在羣仙釣竿未拂珊瑚樹
樽酒重登玳瑁筵潏池塘芳草外飄飄舟楫早梅邊
高峽滇海留嘉話剡曲斜川合共傳

潘東溪都閻惠暖床

老去真成有髮僧，禪床四大續傳燈。
使君高誼來今雨，旅客鄉心履薄冰。
水寒榻中宵分未，照小樓兩度記同登。
交情却勝潘楊穆，孤枕長吟載寢興。

滇海歲暮

村燈社酒簇辛盤，春立星回臘已殘。
故國江山遙悵望，浮生節序幾悲歡。
寇公心事雷州竹，屈子情辭澧浦蘭。
草蓐藜床無雪霰，醉來一枕且偷安。

太守董約山訪予高峽海莊勝言尋向山水之

嘉即事

使君高誼薄塵寰邀我尋春慰旅顏不是蟠胸多磊落
那知絕域有江山玉杯家學曾親炙瓊樹風流許重攀
畫戟清香延坐久村孤城遠漏聲閒

答昆明尹張極山

南荒遷客重來時東道主人慰哀遲相望咫尺雲津樹
限隔一水昆明池彈琴暇豫宓子賤戴星出入巫馬期

高峴小樓有懸榻一樽何日話心知

次韻謝高泉送余往永昌

鷄足鷺頭遙五嶺青龍赤虺遠三江嗅金寧即非金齒
建木由來是木邦石上支筇何憚險雲端飛屐不須雙
衰年憐我同萍梗麗句勞君韜錦杠

呂呈貢送官燭栢炭

冷落薰葭水一方春風桃李近河陽燭明丈室散花地
炭熾仙家雕玉房酒伴掀髯呼博塞歌童炙手暖笙簧

盈盈相望還相憶
剡曲溪邊興未忘

送梁一江北上

天子萬年昌
歷永春王正月
賀函齊穩流
巴峽飛雲棹
如砥周行進
月題魏闕雙
飛雲裡鳳
文樓三唱卯
時鷄
憲臣奏
最來青瑣行
見天書陟紫泥

贈倪江村

倪子江村一草亭
望中雲白見山青
酒杯落魄春浮蟻
書卷縱橫晚聚螢
米芾船邊虹貫月
張騫槎末水涵星

古詩今調三千首一夜無眠枕上聽

安寧溫泉董北溪新建碧玉樓

碧玉泉邊碧玉樓崇幽何羨采真遊
清秋長嘯驚山鳥
朱夏閒眠對水鷗
孺子滄浪休濯足
高人剡曲漫回舟

衰年七袞重來此何限相知半白頭

陳子昂賦雲物之美麗而池館之崇

幽

送陳少野西上

蒲塞蘭津路阻修
金狨翠駭且淹留
欲携杯酒歌三疊

又感重英詠二矛橫水光明誰執訊探丸赤白自虛投
飄然皓首芝山侶敢為將軍借筋籌

贈謝平山

千里西征見玉人簷花池草話情親風流陶令歸何早
文藻桓譚論更新席上休談當世事杯中強覓舊時春
坡仙詩句君知否且鬪樽前見在身

次任棠山見贈

不貪夜氣識金銀漫道詩成泣鬼神耐可炎方禦魑魅

虛傳奕世掌絲綸
乘雲久塌南溟翼
濡沫應憐東海臣
珍重高人推轂意
旆膏那解轉方輪

崇山携酒過荒館

天燈收後近花朝
為喜新晴物色饒
其奈鬢絲偏種種
無端心旆正搖搖
望中雲樹三層堡
夢裡烟霞萬里橋
獨有憲臺東道主
酒杯碁局慰蕭條

歸途始發

重作滇雲萬里征
歸途却喜遇春晴
一筇歷歷記行店

雙堠頻頻減去程
嶺上聞猿孤枕淚
壁間見蝎故鄉情
烏蒙瘴霧昏眸久
想對江花眼倍明

題五老圖遙壽張禹山八十

遐筭誰論魏羅結
著書君似范長生
九齡天錫言非夢
五老星飛兆久成
玄韵松風時靜聽
仙齡花露日頻傾
永昌不數睢陽杜
一鶴南飛寄此情

柯玉井贈寶劍

金裝寶劍倚崆峒
持贈慚非陸賈功
老境漫勞身出塞

少年空有志平戎冲霄紫氣璣衡北照夜清光奎壁東
虎豹潛藏魑魅避歸來不歎路途窮

何雙梧徐靜谷相送至廣通

迴磴關頭並馬馳春風二月送歸時纔醒何遜梅花夢
又續徐凝瀑布詩老去故鄉應息駕天涯再會更無期
月橋分手銷魂處便是此生長別離

奚栢軒李西崖許松溪三君子枉過張氏園

海上羣仙貫月槎辟疆園裏踏晴沙芊綿雜草開三徑

窈窕穿林似兩家，
玉敲金君子竹長紅。
小白女郎花
流年不用驚華髮，
良會何辭醉紫霞。

廣心樓夜宿病中作

七十行戊稿

落窅重逢下石人，
七旬衰病命逡巡。
藤蘿深箐猿猱穴，
瘴癘窮山虎豹隣。
枯木幾時霑雨露，
戴盆何地見星辰。
元夫幸遇睽孤日，
寂寞寒灰也望春。

三月十日雲樓上公見訪高峽丘鴻夫揚子中
侍同觀梁徐僧權帖子昂春山勝事卷李伯

時九歌圖吳小仙獻香圖

喜逢嚴武解憐才
過訪旌旗駐未迴
黃絹色絲開古帖
綺筵彫俎進深盃
風清畫舫吟芳草
月上應門照綠苔
更與海濱添盛事
千金何用築高臺

楊林病榻羅果齋太守遠訪

七十行成稿

荒店晨炊冷竈烟
忽聞五馬暫流連
關山盡是銷魂路
樽酒翻為迸淚筵
遙想生還成幻夢
縱令死去有誰憐
眼前難縮壺中地
何問靈均楚國天

遊華亭寺遇雨即事

華亭高處接諸天
松栢陰森滴窅泉
玄默擬尋方外侶
清狂仍共飲中仙
茅容避雨山邊店
宗慤乘風海上船
越女紅裙沾濕好
不須翠黛蹙嬋娟

董約山太守枉訪高峽同遊太華寺

五馬三旌駐碧鷄
松篁昏黑上頭迷
慈雲擾擾珠林北
寶月纖纖紺殿西
佳客興來還笑傲
浮生跡有但羈栖
歸來村叟分雙炬
微徑歌危獨杖藜

挽錢南川憲副

鼓瑟湘靈夢已先，鳳嬉亭下識君賢。
禮闈英妙矜三捷，憲府飛騰羨九遷。
丹悃壯遊曾許國，黑頭未老賦歸田。
華堂易篲嗟何速，深負如臯射雉年。

劉風山太守見訪高峴

正和漁翁鼓枻吟，忽傳五馬特相臨。
清風塵榻紆仙步，細雨柴門聽好音。
陶館停雲幽興起，樂庭披霧道情深。
不嫌野外無供給，太華峯頭擬共尋。

贈謝高泉

奕世盤盤出大才
早時名姓兆魁台
棟梁昭代占隆吉
風雅明時屬總裁
蛭駟那堪成兩別
隨驕行見出駢胎
涸魚窮鳥如相憶
感寓亭前有鴈回

東高泉

鄉國懷歸近有期
燈花先報主人知
曉看飛鴈傳書札
夜夢驚鴻劈荔枝
金伏朱炎殘暑退
瓊枝碧月早秋宜
玉關生入真竒事
投筆班超又賦詩

駐節亭餞高泉

萬死投荒七十春，幸逢桑梓話情親。
士師柳下難稱枉，漁父蘆中易愴神。
往事悠悠如捕影，餘生落落且同塵。
濁醪妙理天之祿，好醉樽前掌上身。

封白石工部劉虛湖戶部同訪海莊

搖搖畫舫艤湖東，二妙多情訪病翁。
憶別久懷塵榻冷，相逢莫放酒杯空。
廿程道路江陽近，千里風烟蜀苑通。
有約重携二桃李，早梅時節醉芳叢。

送高泉謝公回滇周太霞同泛舟

高泉仙棹訪貧家城上高樓接太霞坡老旅情昌歎酒
雍陶鄉思未囊花迢迢紫宙凌風翰渺渺銀潢貫月槎
岐路不須悲斷梗吾生今已任匏瓜

撫臺游可翁命周生太霞校刻五經傍注因得
駐五華精舍晨夕晤語遂有此贈

早從芳潤嗽餘津理窟年來近道真
瑟捨由求鏗爾對

業同祖謝響然臻

陶詩周生述孔業祖謝響然臻

懸金呂覽言空詡缺

石中郎跡未陳白首無聞吾獨老昭昭何用解祥麟

次雲樓上公韻五月十九日魚池雅會

環衢窈窕錦亭東玳樹留春綴糝紅
鳥度屏風青嶂裏魚窺明鏡碧瀾中
賓筵鄴下詩篇盛軍次漁陽鼓角雄
獨有白頭虛授簡梁園應愧長卿工

魚池即席贈玉華南華少華三公子

翩翩清世佳公子秩秩初筵集上才
宿昔八龍何夔略于今三鳳喜毳毼
通家會面嗟何晚良會知音訝許猜

有約高峽同過我
不論晴雨有花開

六月十四日病中感懷
七十行成稿

七十餘生已白頭
明明律例許歸休
歸休已作巴江叟
重到翻為滇海囚
遷謫本非明主意
網羅巧中細人謀
故園先隴痴兒女
泉下傷心也淚流

升菴集卷二十九

欽定四庫全書

升菴集卷三十

明 楊慎 撰

七言律詩

病中永訣李張唐三公

己未六月

魑魅禦客八千里
羲皇上人四十年
怨誅不學離騷侶
正葩仍為風雅仙
知我罪我春秋筆
今吾故吾逍遙篇

中溪半谷池南叟
此意非公誰與傳

吳高河懋嘗以楊弘山士雲玉純菴

廷表胡在軒廷祿張半谷含李中溪元陽唐池南錡
為楊門六學士以擬蘇門秦黃晁張廖畧云余曰得

非于子而七乎七子文藻皆在滇雲一時盛事余固不敢當也然余之遭妬中害而卒不得還者竟以此不欲言其人姓名如柳子厚傳河間云噫

蘭津橋

今名霽虹

漢書載瀾滄謠云漢德廣開不宥度博南踰蘭津渡瀾滄為他人即此地也土人謠呼為浪滄云

織鐵懸梯飛步驚獨立縹緲青霄平騰蛇遊霧瘴氛惡
孔雀飲江烟瀨清蘭津南渡哀牢國蒲塞西連諸葛營
中原回首踰萬里懷古思歸何限情

昆陽望海

昆明波濤南紀雄金碧滉漾銀河通
平吞萬里象馬國直下千尺蛟龍宮
天外烟巒分點綴雲中海樹入空濛
乘槎破浪非吾事已斬魚竿狎釣翁

次沐希甫山茶花韻

山茶競開如火然山城淑氣銷寒煙
幾經南國芳華遠忽憶上林花信前
賞心避地日多阻抱病閉門春可憐
黃須紫萼莫相惱青鏡綠樽非壯年

浪穹縣

鳧鴈唼喋菱荇光翡翠
搖喬蘭茗芳古寺雙林帶烟郭
平湖十里通春航
遠夢似曾經此地遊子恍疑歸故鄉
桃園仇池到處有萍浮梗泛悲蒼茫

立春滇郭西看山茶

山國山茶太繁品春盤春菜先此筵多情日日花懊惱
無賴家家香接連河陽少年亦好事杜陵老翁惟醉眠
歸來瓊枝猶照眼焰紫然紅君馬前

春泛晚歸

滇海橫波搖遠天青峯影在柁樓前汀蘋嫋嫋風色起
崖草淒淒春興連漁父濯纓歌鼓柁姪女當壚工數錢
醉歸不嗔無兩炬東塔已高西月弦

甲午臨安除歲

去年除夕葉榆澤今年忽在臨安城斜看暮景飛騰意
正念天涯流滯情寒梅剗山我欲寄烟草瀘江誰喚生
隣牆兒女亦無睡歲火天燈喧五更

豐祿縣西蘭谷

響水闌水繞蘭谷蘭之猗猗環谷芳瑤渦玉溼湧神潢
綠葉紫莖涵帝漿湘纍採作美人佩尼父嗟為王者香
懷哉千古兩不見獨立蒼茫愁大荒

中丞白泉汪公生辰值安南款報至

金湏銅柱貢函來象渚龍編道路開上將簡書回北極
中丞勛業冠南臺擬將萬舞排家宴欲取饒歌獻壽杯
節鉞可能淹袞烏明年何地望三台

春夕潘園

雨砌風簷墮棟花蟲書鳥字遍晴沙
春山載酒馳朝馬
江閣邀賓起暮鴉
陶令葛巾從滲漉
管寧紗帽任欹斜
殊方未覺追隨盡
韋曲風流更爾家

寄任少海李仁夫

擬折瑤華遺好脩
攀援桂樹且淹留
金膏水碧欣相待
翠觀岑青悵獨遊
海動三山任子釣
溪通九曲李仙舟
東南孔雀飛何遠
西北高樓雲自浮

連雨

江星動天人涉波淫雨毀山仍漏河兩崖渾不辨牛馬
千家直恐為鼃鼃桑田滿地西成少桃壘同流東逝多
懸磬反關斷車跡有客無衣中夜歌

別周昌言黃孟至

長年三老試登艫雙鬟小妓唱巴歛重露桃花薛濤井
輕風楊柳文君壚可憐鴻臚橫四海未許鴟夷浮五湖
銷魂從此渺然去迴首峨眉山月孤

五丁峽舊傳為力士開山之地據史秦用張儀
司馬錯之謀以珎器美女賂蜀侯而取之小
說迂怪傳疑可也遂賦此詩

峽形千仞立蒼顏開闢從來有此山自是美人傾絕國
不緣壯士啓重關蔡蒙早入梁州貢庸蜀曾陳牧野間
謠俗流傳難借問丹青遺跡尚班班

顧箬溪中丞載酒過滇館

名應祥

濁水清塵十七年豈知披霧更雲滇釣竿未拂珊瑚樹

杯酒重登玳瑁筵
春夢依稀蕉鹿後
晨星寥落雪鴻前
逡巡醉寫張顛帖
咫尺忘歸范蠡船

送蕭凌漢都閩謝病歸蜀

三輔名畿百戰場
青冥鈇鉞白毫霜
謝安儘有平堅策
杜甫曾無捄瑄章
聞道軍威餘細柳
試尋遺愛有甘棠
錦江未許垂綸久
計日仙舟望帝鄉

鳳翔阻雨兼聞寇未靖撥悶一首

萬里歸程兩月過
淹留羈旅竟如何
故鄉望處驚烽火

遠道愁時賦，蓼莪秦嶺北。來山礙日河陽南，下水增波
竹林向晚鳴鳩急，明日雨聲應更多。

早寒

晚夢驚回聞早鶉，新陽出海散明霞。田隴初生戴星草，
園林已發迎春花。山脊炊烟穿高竹，渡口漁舫依淺沙。
籃輿有暇可乘興，西崦東臯問煮茶。

賦得江上舟送人

濯錦江邊青翰舟，別情歸思兩悠悠。開帆影遠入雲小。

合櫓聲齊和月柔正擬乘槎上南斗還思擊楫在中流
新詩懷古兼春興傳與巴人作棹謳

寄用貞弟

杜陵巴國苦寒行李白梁園昨夜情山葉早梅心萬里
雪窻風竹夢三更河橋晨別南鳧影江漢春催北鴈聲
回首長安當日下感時懷汝摠難平

送馮行健守興化

東方千騎別程催南浦雙魚幾日回秋向炎州隨鴈去

春行露冕見花開中朝奏疏匡時畧窮海歌謠作郡才
上計即看蒙上賞仙遊元自接仙台

王舜卿尹舜弼往昌平例送一首

漢陵原廟近長安唐殿香爐遣從官月地旌旗屯虎豹
明樓燈火散鵝鸞稍驚霜堞栖鴉起轉覺永橋度馬難
誰似玉堂雙宋玉郢歌一曲破郊寒

送楊仲立進士歸省

名儀

鄉國同年十載遙飛騰次第上雲霄扶搖去息南溟翼

象緯回瞻北斗杓，揚子談經餘舊閣。
相如題柱有遺橋，誰從駟馬尋踪跡。
自向玄言賞寂寥。

次王明遇留別韻

名良佐

秦地長城紫塞曲，漢家亭障白雲齊。
將軍幕府傳刁斗，壯士關山送馬蹄。
鄉信迢迢隨去鴈，邊心渺渺聽鳴鷄。
行看烽火回中靜，祇見明星隴上低。

次韻惟信送客東郊

城外浮嵐翠嶽開，橋邊新漲綠波回。
鳴鞭紫陌遊人出。

結軫青郊上客來
南浦草芳春雨過
東園花信晚風催
昏鐘杳杳尋歸路
飛蓋飄飄帶晚埃

送何勳伯

柱史南巡采國風
行臺分向浙西東
星邊牛斗遙占象
湖上魚龍早避驄
岫擁春雲天日近
潮含明月海門通
心期又作三秋別
書札還勞萬里鴻

送張孟復達州兵備副使

西蜀行臺持憲節
東川分閫寄儒纓
雲林曉日青羌浦

水國秋風白帝城
潭下蛟龍驚鼓角
門前烏雀避干旌
折衝樽俎烟塵靜
始信荀卿善議兵

答張起溟

君乘五馬向炎荒
客送雙魚借寵光
江月維舟添滉漾
海雲迎旆共飛揚
東城極目春千里
南浦懷人水一方
會待高翔凌紫極
肯教獨立咏蒼茫

送祝文安知楚雄府

名弘舒

君領銅魚問碧鷄
封疆諸葛舊營西
禺山閣道盤丹徼

岷水牂牁帶黥溪鼓角連城霄月淨干旌一路火雲低
請看盤木他年頌還擬中和樂職題

嘉陵江

嘉陵江水向西流亂石驚灘夜未休崑畔蒼藤懸日月
崖邊瑤草記春秋板居未變先秦俗剝木猶疑太古舟
三十六程知近遠試憑高處望刀州

無題

丁丑歲同何仲默張愈
光陶良伯作追錄于此

石頭城畔莫愁家十五織腰學浣沙堂下石榴堪繫馬

門前楊柳可藏鴉景陽粧罷金星出子夜歌殘壁月斜
肯信紫臺玄朔夜玉顏珠淚泣琵琶

鄭立之中丞平蜀石城夷寨有詩紀事次韻

二首

漢庭不動九天兵瀘水重興五月征談笑折衝迴萬里
指揮能事定三城戎原夜市煙花繞澤國春畚歲草生
紀績休磨崖上石巴渝歌頌比風清

出關 擬唐人

狼狐芒角正鸞環虎落連營又出關漢使征鴻何日至

胡兒牧馬幾時還，千重紫塞迷青塚。
九曲黃河繞黑山，飛將殊勦猶下吏。
書生乘障敢辭艱。

孟春與葉桐岡迎王鈍菴于郊卽事

正月勾東春已深，遜客登樓延賞心。
苔池飛泉漱鳴玉，菜圃黃花如散金。
漢陽莫作窮鳥賦，楚狂且停衰鳳吟。
綠樽共喜日日醉，華髮那畏星星侵。

七星關新橋

架壑盤巖嵌碧空，驅山鞭石讓玄功。
星梁天柱撐銀漢。

雪浪雲濤抱玉虹襟帶平分滇蜀險品題合占古今雄
登來彷彿臨玄圃不信飄零遂轉蓬

次姜夢賓登洱水浩然閣韻

誰賦風光草際浮謝公佳客盡詩流紫城雲樹迎江閣
白國烟波送海舟南浦移樽消旅思西園飛蓋記仙遊
愁來獨減登臨興病骨先驚一葉秋

安寧溫泉

鏗瑟舞雩歌點也流觴脩禊記羲之何如碧玉溫泉水

絕勝華清礬石池已挹金膏分沆瀣更邀明月濯漣漪
沉沉蘭酌春相引汎汎揚舟晚更移

得楊實卿書

逐客正傷南浦賦高人遙致北山文詩壇花月還公濟
玄圃方州又子雲起草共知雙筆健轉蓬何翅十年分
懷儂莫作相尋夢蜃雨蠻烟泥殺君

贈韓炁菴表第二首

奕世龍韜耀將星守窓惟愛讀書螢愁看歐氏瀧阡表

喜建蕪家族譜亭棟鄂關情花寂寂寒泉入夢水泠泠
雙金片玉人皆許勲業行藏鬢正青

病骨寒宵冷不勝擁爐塞向正凌兢壺惜蓮漏渾如咽
燈暗蘭膏坐自凝夜久夢回疑有雪朝來唾下欲成冰
狸奴戀暖驅難去縮蝟銜蟬隱被稜

升菴集卷三十

欽定四庫全書

升菴集卷三十一

明 楊慎 撰

七言律詩

春日訪樊九岡幽居

九隴岡頭紫氣浮，高人元是列仙儔。
黃花晚節開三徑，翠竹清風卧一丘。
松菊微行常伴鶴，苔磯獨釣不驚鷗。
伊余南北東西者，浪跡深慙下榻留。

春三月四日仰山余尹招遊疏江亭觀新修都

江堰

疏江亭上眺芳春，千古離堆跡未陳。
蝨蝨樓臺籠蜃氣，嶒嶒原隰接龍鱗。
井居需養非秦政，則堰淘灘足禹神。

古圖經深淘灘淺則堰今改則為作非也

為喜灌壇河潤遠，恩波德水又更新。

新

周五津寄錦笺并柬楊雙泉

誰製鸞牋迥出羣，雲英膩白粲霜氛。
薛濤井上凝清露，江令筵前擘綠雲。
窈窕翠藤盤側理，連環香玉剪回文。

老來無復生花夢
錦字泥緘付墨君

中元夕望開福寺燈塔

鈴語吟風寂梵音
塔燈擎月淨高深
孟蘭瑞草生三昧
天竺曇花散五陰
鴈沼恍疑星宿海
鷲峯幻作火珠林
西方漫說光明藏
何似中華池布金

寄夏松泉

名邦謨

山中睡起三竿日
天上書來五朶雲
念我獨愁開閨寂
感君長跪謝殷勤
兩年故國交遊隔
千里同心岐路分

奇樹華滋看已徧不禁春色惱離羣

郟縣子雲閣

落景登臨縣郭西坐來結構與雲齊
平郊遠訝行人小高閣迴省去鳥低
林表餘花春寂寂城隅織草晚萋萋
酒闌却下危梯去猶為風烟惜解携

立春日禁中對雪

天街晴雪照簾櫳萬戶千門似郟中
先向曉營添朔氣却隨春仗轉條風
上林花信梅邊出太液波聲柳外通

郢客高歌誰屬和
巴人下曲本難工

戊寅九日龍門登高

江山盤踞千年地
風雨崔嵬百尺臺
搖落霜林秋籟發
參差雲堞曙光開
四愁多阻張衡望
九辨堪興宋玉哀
望遠登高聊自遣
芳萸艷菊漫相催

沐希甫葉道亨約會於太華寺雨中用杜少陵
韵一首

野竹幽花夾道迎
紺園金刹望中明
海天風色雲籠樹

山國春寒雨滿城，最覺龍鱗圖畫潤。
生憎鳥羽毳衣輕，迷源復作留連住。
尋壑猶能窈窕行。

冬夜宿羅漢寺

霜林金碧迷青紅，木葉蕭蕭澄遠空。
長湖洲渚亂吞吐，上方樓殿森玲瓏。
廊僧暝汲怯寒溜，舟子夜語驚天風。
朝曦照檻堪一望，羨爾冥冥高遶鴻。

石岡沐公希甫輓詩

幾醉錦筵金巨羅，忽騎天駟上天河。
霸陵猶記將軍獵。

沛邑能忘猛士歌
春寒澤畔經過少
日暮山陽涕淚多
露薤霜蒿悲自古
蹊桃營柳奈君何

關索廟

關索危嶺在何處
猿梯鳥道凌青霞
千年廟貌猶生氣
三國英雄比世家
月捷西來武露布
天威南向陣雲賒
行客下馬一酹酒
侯旗風偃寒吹笳

高峽村除夕

海濱戎旅久忘歸
獨對朝嵐與夕霏
莎徑晴沙采樵路

柴門春水釣魚磯
太平時節身難遇
流轉風光賞莫違
街鼓市塵渾隔斷
村春隣火自相依

謝同鄉諸公寄川扇二首

鳳篔分封到海陬
魚緘千里自巴丘
綺寮白晝懸明月
玊簞朱炎借早秋
紈素底須誇菴畫
蒲葵耐可污銀鈎
仙家玉雪勞相贈
詩苑瓊瑤愧未酬

對青筠膜漬霞斑
渥紫栲膏鍊月顏

栲小柿也

自覺金風爽

仙馭誰將玉雪灑
人寰薛濤歌裏揚
清嘒卓女吟邊障

遠山萬里橋西銷暑會幾回瓊樹夢中攀

即席贈樊九岡黃梓谷

中涪西蜀兩高人良會通家及上春青歲掛冠甘隱逸
早時揮麈靜風塵身閒正好銜盃數情洽何妨命駕頻
更與衡門添盛事聚星堂上繼荀陳

贈內

迢遞鄉關隔益州歸途雨沛更雲油重看周雅歌祁父
又聽陽關唱杜秋明月迴臨天左界寒宵回夢闌西樓

五紋絲履休勞寄好看生兒似阿侯

壽叙菴司馬第

生辰正月十二日

西君初度早逢春千里相思隔錦津
棣萼連枝情不盡
筆花池草夢何頻
廟堂閒却絲綸手
山水能娛樂壽身
繞膝斑衣當蔗境
何須止酒負芳辰

送胡東渠少叅致仕歸晉陽

驛紱辭榮賦北征
急流勇退見高情
元龍湖海多豪氣
長孺朝廷有直聲

胡曾為郡不
屈節温州相

塵世已破枕中夢
杯酒

況兼身後名祇恐清風遺遠傲聊將公是托詩評

與諸弟別樂菴弟約有江陽之會

中宵風雨早來涼謝草春池別夢長
綠野開筵聯玉樹紅亭離思結垂楊
通波直下無千里明月何曾是兩鄉
白晝看雲何限意佳期良晤在江陽

宋潛溪方遜志二賢祠亭陪東阜翁齊坐

青蘿太史赤城仙祠墓東西近接連
江漢炳靈遷謫地乾坤正氣革除年
華池澹佇滄浪水栢寢寒通雪嶺烟

不向一臺逢二妙何由投簡和新篇

合州舟中次韵王孔昭

名嘉賓

馳暉易逝髮難玄屈指驚心二十年北渚離愁芳草外
東風歸信落花前煙開巴峽銅梁秀月照涪江石鏡圓
栩栩瀛洲還舊夢嚶嚶喬木又新篇

雪後曾前溪憲副夜過

曾名鈞

閉門寂寂夜光扁窮巷俄傳暢轍經迢遞騶牙聲已到
熒煌騎火夢初醒淮山桂樹懸鄉月漢節梅花照客星

清興不辭淹雪棹濁醪還共醉雲亭

晏寢漫興

少年愛睡苦不足鷄鳴催入承明宮蹠躩金珂響斜月
丁當玉佩搖迴風共憐人馬輝光異肯信簪裹拘攣同
老便晏寢北窻北起看日生東海東

重寄張愈光

海客張公鬢已蒼豪遊曾結少年場古文金碧盤龍虎
麗句瓊瑤琢鳳凰尋壑經丘穿窈窕倚樓看鏡立滄茫

朔風鴻鴈傳消息明月青山隔幾鄉

海喬江涓獨倚樓瑟居匏繫又驚秋菊花黃處回青眼
楓葉紅時對白頭少日聲名追杜甫暮途鞿絆脫莊周
九龍尚有臨池興一鴈能忘遠札投

寄藍玉夫

名田

四海風紀藍御史廿載逃名即墨城青冥鴻飛日月白
紫淵龍臥波濤清晴窻香芸拂蟬蠹春谷喬木歌嚶鳴
總角懽遊忽衰老握鏡愁看華髮生

登海寶寺望侍御唐池南琦別業因贈

橫紫煙光凝上方人家宛在水中央
一重一掩肺腑地
某水某丘遊釣鄉憶我頻年枉書札
與君連日醉壺觴
詩瓢不似山人瘦大雅堂高接盛唐

夏日抱病幽居

抱病閉門誰與同
隱几焚香長夏中
槐花細灑鶯黃雪
芭蕉斜扇青鸞風
蚊雷無賴鼓昏黑
螢火多情流暝紅
墨池過雨積新溜
一部鳴蛙何太雄

泛蓮池晚歸

桂棹蘭舸泛碧漪
芰塍蓮蕩倒芳卮
十三鴈足傳情徧
二八蛾眉度曲遲
玉樹風前人散後
金波水上月明時
良辰勝會應難續
風雨連宵惱別離

兩湖葉道亨泰招飲過湖晚歸

楊堤葉嶼迥相隣
東主西賓意自親
促席忽披千里霧
歸舟重醉兩湖春
沙邊漁火明還暗
樹裏人家認未真
已訂魚鄉鷗社約
片帆何惜往來頻

寄揚弘山都諫士雲

螭頭早掛進賢冠
跡遠東墀玉笋班
倦意已還飛鳥外
歸心元在急流間
仙郎高議留青瑣
學士新詩滿碧山
十九峯前同醉處
夢中瓊樹幾迴攀

唐僖宗行宮遺礎次熊尚弼侍御韵

名相

唐帝行宮有露臺
礎蓮幾度換春苔
軍容再向蠹叢狩
王氣遙從駱谷來
萬里山川神駿老
五更風雨杜鵑哀
始知蜀道蒙塵駕
不及胡僧渡海盃

礎今在僧寺

丁丑九日

燕臺九日罷登臨
節物蕭條入楚吟
關塞驂騑迷去路
朔風鴻鴈滯歸音
仙遊御宿山川遠
白露清霜日夜深
雲際側身愁北望
天涯懷抱可能禁

己卯九日登高

采采黃花不滿衣
暝煙起望自朝暉
馬卿病裏芳菲晚
宋玉愁邊節序非
落木流波如有意
來鴻去燕故相違
消除強醉清樽酒
歸掩田家白板扉

庚辰九日聞金鶴卿張惟信有彭門之會疾不

克陪

一別黃金萬里臺孤城三見菊花開雲移北闕沾恩宴
日遠南山獻壽杯抱病江天常閱寂關心時序獨徘徊
高人喜共登高會咫尺彭門阻一陪

定州書事

此地去年新駐蹕行宮曾榜太平門堯樽置酒中衢溢
梵宇揮毫古塔尊漢帝樓船窮島嶼周王車轍滿乾坤

多方獨使勞神武諸將何由答主恩

中秋禁中對月

漢家臺殿號明光月滿秋高夜未央
銀箭金壺催漏水仙音法曲獻霓裳
路車天遠鸞聲靜宮扇風多雉影涼
千里可憐同此夕美人迢遞隔西方

四月廿日侍班紀事次金鶴御韻

金殿朱衣引陛前紫微清蹕從乾旋
登庸已卜璿璣正顧命先從玉几傳
雨露恩垂周壤徧星辰影動泰階連

詞臣況有如椽筆好學王褒頌得賢

送熊維藩尹婺川

驪駒載道何駸駸飛鳧遙下蠻江濤鴻鴈不度牂牁國
虎豹常啼楓樹林鳴琴仙室白日靜鎖印公堂朱夏深
冰蘖肯移清吏節卉裳須服遠人心

張崇象壁新居

碧山學士居茅屋錦里先生過草堂
森森龍池接溝水啾啾雀樹隱隣牆
何人問字能携酒有子攤書解滿床

巴曲肯來收下里楚歌還擬和滄浪

送高三峯公韶守大理

赤鷹青驄近侍臣碧鷄金馬問行頻
南荒瘴厲禹山夜北渚烟花洱海春
十里風謠采芳訊十年雲會阻光塵
賜金已見先華省鳴玉終期上紫宸

次韵席仁同春遊昭應宮

佩聲齊下日華東朝退春遊有客同
却轉河堤晴靄外迴瞻宮闕曉雲中
曲江池泛仙源碧下苑花交御宿紅

瓊玖木桃酬未得青門紫陌興何窮

尚書九峰孫公壽詩

百尺貞標澗底松四朝公望想儀容星辰衡岳當朱鳥
雷雨湘江起臥龍白雪郢歌翻壽曲青雲奕葉繼仙蹤
天瓢滿注供春雨三島遙應接九峯

送福上人還青城

青城三十六高峯寺在青峰第幾重飛錫曾聞經雪嶺
結茅常愛住雲松花飄香界諸天雨金吼霜林半夜鐘

傳語禪關休上鎖虎溪他日會相從

慶成宴次張惟信韵

太乙天壇望燎回九重春宴選辰開廣庭列坐瞻華袞
合殿飄香入玉杯海宇謳歌千載遇雲門隊舞八荒來
共憐彩筆飄搖賦獨有金門侍從才

送毛東鎮

給諫用成之子

憐君心節之子孫公車待詔重高門江湖魏闕子年遠
墓田丙舍鍾繇存伏蒲內殿有膝跡請劍上方猶血痕

鳳雛驥子定須繼懲羹吹葢非爾倫

次韵劉潤之歲暮見懷

江曲橫煙遠樹低
衡門榛草晚萋萋
美人明月勞相憶
遊子浮雲夢不迷
桂水舟航天塹北
松州車馬雪峯西
愁來擬對公榮酒
醉裏放歌嚴氏溪

次祝鳴和中秋對月韵

閣夜試看中夜月
桂花正在散花樓
仙客星軺下碧漢
美人舊隱懷丹丘
已聽笛奏亂歸思
更對窻光驚醉眸

一水盈盈隔千里佳期不共謝莊遊

高泉臨行再賦此以別

異鄉流落倚名公公去窮荒望益窮客路萬三千里外
仙居七十二泉中昌黎仰斗台光遠靖節停雲時雨濛
鰲羽涸鱗去安所翔飛川泳幾時同

七言排律

寄題楊凌泉水木清華堂

宛宛關干石徑斜悠悠水木湛清華橋通玉局仙人館

隣接金繩大士家，翠鎖渭川千畝月。
紅蒸杜曲一園花，劉安招隱歌鼓桂。
屈子離騷賦折麻，嵐靄望山堪拄笏。
陌塵流水任行車，閭兒好掃青苔壁。
欲把新詩落墨鴉。

觀三塔寺龍女花

天女來看龍樹花，空香隨步惹瓶沙。
烟花點綴慈雲薄，韶景留連慧日斜。
髮髥曉霑三昧雨，羅綿夜妬六銖霞。
偷銜野鹿羞塵世，共命巢禽隔海涯。
水泛暗通金母島，風飄曾到玉皇家。
誰教博望來西域，不並蒲桃上漢槎。

高峽積雨始晴遊簡西巖

長湖射雨萬鏃雄屋角掛龍池飲虹亭亭玉筋繞山閣
森森銀竹圍屏風織女下機綠幕野綃人入市珠跳空
畫圖未盡輞川妙詞賦詎信陽臺工停雲已拖楚練白
倒景忽放燕脂紅綠蟻辛自盈鑿落黃鷄不用歌玲瓏

長江萬里圖

五才坎德迥靈長萬里岷山始濫觴流漢天迴經灑瀕
盤渦谷轉下柴桑揚瀾左蠡曾潭府大壑歸虛廣莫鄉

天遣陽侯分祿祿帝咨神禹畫茫茫岑青翠觀鮫人館
水碧金膏龍伯堂景浴陽烏朝旭早燄然陰火夜霞光
烟寒星散三洲樹風致雲飛百尺檣鶴子鳧雛喧澍雨
紋螺錦蚌映翔陽籠筒津鼓驚浮客欸乃漁歌屬報郎
泗磬石鐘鏘島嶼輕連頻彩媚滄浪投鞭堪笑符堅策
淨練難賡謝朓章彩鷁退飛休借問白鷗浩蕩信徜徉

升菴集卷三十一

欽定四庫全書

升菴集卷三十二

明 楊慎 撰

五言絕句

青橋夜宿

驛亭臨白水，石榻滿蒼苔。
遠客渾無夢，江聲枕上來。

宿華亭寺

二首

花樹高於屋，紅霞夜照人。
聲聲枝上鳥，也似惜餘春。
天風與海水，鳴籟隔山聞。
半夜衣裳濕，清朝樹樹雲。

雨夕避漏起坐二首

滯雨蒼山夜，停燈伴獨愁。
詰朝明鏡裏，華鬢颯先秋。

其二

雲房遷雨榻，枕席籍盃甌。
似向東林宿，蓮花滴漏聲。

積雨始晴

霽晚憑高處，涼風吹我襟。
海天堪倚杵，巖樹小如簪。

三塔秋日

始見椒花綠，又驚椒實紅。
客心正鬱鬱，作底對秋風。

陽橋彎

澗壑浮白雲俯瞰低於馬雲開見青松又在澗壑下

西路雜述 五首

沙遠名乾海坡高號望城海曾無滴水城亦是虛名

其二

路學盤蛇上人綠磨蟻旋深於小有洞陰過大漫天

其三

濯足倒流水回頭相見坡馬嘶人又倦落景在烟蘿

其四

虎穴猶能入猿梯亦可臨把關苗子面開店主人心

其五

哨名一碗水坡號半邊山疲人倚石磴渴馬飲冰湍

即事一絕

蘋末清風起涼生近水樓盈盈樓上女齊唱楚江秋

四月五日夜與叙菴末菴樂菴得菴話別集句

鼎鼎百年內一別一回老欲知萬里情坐對青燈晚

西蘭圖四首

蘭為君子佩植根不當門幽谷發遠馥九畹詠王孫

又

蘭為美人採蘋藻掩芳潔沐浴助精裡豈為蕪澤設

又

蘭為仙姬名升雲女兒山玄景入天上名字留人間

又

蘭為王者香鬱宅薦清廟猗猗有遺音併入瑤琴調

嘉州登舟

馬上風塵倦登舟似到家
雨晴涼意足含笑對江花

渝江登陸

來往舟如屋相隨一月期
登途不忍去翻似別家時

又

曠野惟看樹高城不見人
新梅臨水發照影為誰春

馬枋橋

無奈旅懷多村酌引睡魔
醒醒不成寐楓葉助吟哦

青橋驛早發

遠客貪晨發三更夢已回江聲如驟雨吹到枕邊來

白石羹

童子報仙翁白石羹初熟坐客不須嘗歸家穿破腹

普魯基晚發

霜華重於雪星光明似月喔喔荒鷄鳴蕭蕭征馬發

自安寧之高峽李葵之走馬相迎

送岑昨夜別獨樹今朝迎高峽連榻處清話到三更

夜行安慶

風順月仍明扁舟半夜行鷄鳴問前路已近九江城

宿鯉魚山

投暝宿前灣占風夜未闌月沉鴻鴈渚雲起鯉魚山

夕上江陵二首

熒熒沙市燈統統黃潭鼓悠悠隱後帆遙遙認前渚

其二

水落沙渚寬鴈聲驚早寒舟子夜不寐北風吹雀竿

射亭

飛雨花前疾鳴骹風外聞當場誰破敵王粲始從軍

螳川獨泛 二首

柳市村村接松燈點點明家家傾蟻酒夜夜鱸魚羹

其二

月遊渾似畫水泛不知寒星留驚魚躍雙枝起鶴盤

月夕獨酌

夜沽東橋酒醉聽雙童歌羈人不作樂其如鄉思何

春二首

海風吹海樹十日閉門中坐惜繁華過牆頭數落紅

其二

行樂三春好春來轉劇愁鄉心悲遠望莫上最高樓

陪盛德章春泛

中洲歌采芳曲渚艤歸艎風起春江晚飛花點石梁

鐵鸚武歌

蜀中名駕鸚雲南號
鐵鸚武即伯勞也

可憐鐵鸚武常鳴五更前愁人抱暝臥聲聲到耳邊

寶珠寺

遙望瀑布泉，徙倚雙杉樹。
繫馬幾度遊，徘徊不能去。

觀音寺

雙樹依山曲，青蓮有廢臺。
遊人不肯入，却似剡溪回。

雲房寺

海葢燒空艷，山篁拂座涼。
胡僧書跡在，指點古雲房。

清淨寺

淨域無塵雜，風花落漸多。
空門元不閉，岐齒未曾過。

寶印寺

曲徑餘榛路窈碑剝蘚痕空廊僧不住鄰媪為開門

寶曇寺

千仞崇山頂清泉何處分涓涓石澗底一派下青雲

圓照寺

橫枕山窓裏月明林影動禪心炯不眠寧有巴山夢

筇竹寺

博望南行路昆池杳若天自憐遷播客一住已三年

黃龍龕

看碑藉草茵倚杖忽移辰絕域驚文藻飄零愧古人
有寺

楊仲弘
碑文

正覺寺

隱隱村園寺亭亭竹繞門還期長夏日坐嘯辟疆園

海源寺

海眼藏雙樹峯頭壓百尋靈鈞遊未遠不見石為林

龍華寺

空宇三禪寂荒林七聖迷
閒來丘壑興那復問東西

妙高寺

絕頂愁飛鳥丹霞隱林杪
孤僧早閉門熒熒佛燈小

普吉菴

松箐一何深細路縈百折
行人歇松陰羸馬食松葉

春日過山家

山床壓春酒滴作澗泉聲
與君終日醉松風吹復醒

雨後見月

雨氣斂青靄月華揚彩雲戲魚蓮葉北驚鵲樹枝南

題竹

帝子瀟湘渚乘鸞嫋嫋邊可憐江上竹猶帶古時烟
存歿絕句

何遜重泉別范雲清淚多他年淮隱處腸斷八公歌

右何仲默

章句傳燕國風流有薛君千年濠上意寂寂向誰云

右薛君采

東京崔子玉臥病隔清漳天上青藜燭何人白玉堂

右崔子鍾

張公滄海客大雅起滇雲未許乘槎去蛟龍射斗文

右張愈光

碧雲傳日暮華月照芳池夢回歌玉樹病渴憶瓊枝

右余懋昭

近有錢塘信斯人亦可傷更憐新特在猶喚舊江郎

右江景孚

一帳遼東鶴千年竟不歸
夢魂迴永夜相見是邪非

右劉汝楫

一疾綠醫誤孤蹤住世慵
淚痕添沫水名字見我峯

右安公石

飲祁氏園

今日花前飲祁園是習池
山翁不若予爭奈葛疆兒

答段德夫水部

四首

自笑嵇康懶雲林絕舊交
寧知千里翮肯問一枝巢

天涯戎旅春一十五回新多情花與鳥歲歲有留人
幽蘭深谷底感此歲芳徂欲問丹砂訣吾非勾漏徒
漢上題襟句梁朝水部才錦書何處至羅戶為君開

代贈二首

懶膽杯分綠猩唇脂印紅雙歌連理曲並醉合歡叢
南壩迎郎來西壩送郎去回身掩空閨月明天未曙

升菴集卷三十二